

Anfang der Welt/bis zu Ende/ die Menschen (so ihm gehorchen) allerhand Grewel vnd Zauberensünden gelehret: vnd noch lehret / vnd dann auch zukünfftig lehren wird; vnd sich dadurch (so viel ihm GOTT verhengt) kräftig darthun / vnd in alle weg thätig bezeigen. Alles aber dahin angesehen/ vnd zu dem Ende gemeynet/das er ja fort vnd fort/vnzehlich viel Menschen (auch in diesem passu, wann sie mit ihm einen Bund machen/ vnd zugefallen seyn; oder seine Bundesgenossen vmb Rath fragen / vnd ihrer Hülffe gebrauchen) von allen Gottseligen Wesen vnd Wercken / von andächtigem Gebet/vnd allen löblichen Tugenden; Summa von Gott selbst / vnd aller zeitlichen vnd ewigen Wohlfahrt ableite / abreisse / sie in zeitlich Unheil / vnd in den ewigen Jammer zu bringen.

Derowegen/ so sollen vor allen dingen allhie am allerersten alle Christliche HaußVäter vnd HaußMütter / wach vnd sorgfältig seyn / das sie beyde für sich selbst / sich fleissig hüten / keinerley Teuflische Grewelwesen zu lernen / zu vben / oder in anderweit der klugen Männer / ꝛ. Rath vnd Hülffe zugebrauchen: Vnd dann auch ihre Kinder vnd Gesinde / von Jugend auff / für solchen Grewelsünden ernstlich vnd trewherkig zuwarnen / damit sie ja nimmermehr dieselben möchten lernen / oder in anderweit gebrauchen / so lieb ihnen Gottes Hulde / vnd ihre Seligkeit ist. Wie

G

hier